

# Epistola exhorta- TORIA CONTRA INFI- deles, ad Illustrissimum Principem Maximilianum Archiducem Austriæ, Bartholomæi Georgieuits.



**S**ÆP E mecum admiratus  
sum Princeps Illustrissime,  
cur quū omnia videantur  
Christianis polliceri victo-  
riam, nunquam tamē eam  
inter tot annos consequan-  
tur. Habemus Christum  
Deum, qui vnica nocte ca-

stra Sennacherib deleuit, qui Pharaonē sub-  
mersit, qui cæminea manu puellæ Iudith Ho-  
lophernē extinxit, & vt breuiter dicā, à cuius  
numine voluntatēq; omnes victoriæ pendēt.

Turcæ contra, Mehemmetum habent, &  
in vita flagitiosum, & post vitam sepulchro  
sine resurrectione perpetuò inhaerentem: vt  
tantum inter vtrunque numen intersit, quan-  
tum inter viuum viuī Dei filium, & inter ho-  
minis, & ab homine nati cadauer putridum,  
adco

adeo vt in cladibus Christianorum, si natura vtriusque numinis expendatur, mortui videantur viuos armis potentia que superare. Iam cum robore corporum, dotibus animi præcellamus, quæ magna præsidia afferre videntur ad hostes profligandos, ipsi vbique miserrimè profligamur.

Quid Hungaro induratus? quid Germano vastius? quid Gallo procerius? Hispano solidius? quid Italo robustius? vt de cæteris nationibus taceam, quibus dotes corporis, aut meliores, aut certe æquales. Rursus si indolentiam animi spectes, quid Hungaro vulnerum periculorumque securius? quid Germano generosius? Italo sapientius? Gallo ambitiosius? Hispano callidius? quorum singula videntur posse vel dare victoriam, vel adiuuare. Sæpe vicit sine alijs viribus audacia, sæpe generositas animi, sæpe sapientia, sæpe honoris illa auida ambitiositas, sæpe calliditas: tamen me miserum, inter tot victrices res à victoria excidimus.

Iam si apparatus videas, armorumque genera, multis rationibus. Turcis præstantiores videmur. Nostra inuenta sunt bombardæ, nostra tot generosa panoplia. Ipsi Persæ nudi, aut seminudi ad bella prodeunt: illis arcus, nobis sloppetæ. hoc est nobis fulmina, illis sagittæ, que per dura armorum nullam vim penetrandi habent,  
 cum

cum bombardis vix vlla rupes obstiterit.

Sunt quidem nunc etiam Muslumanis sul bombardarij, sed rariores & indoctiores. Nunc quæso quas gentes secum in expeditionem trahant Scythas & Thraces, in quibus non sapientia Italica, aut Hispanica calliditas, sed inhumana quædam feritas, barbaries, animi summa inscitia, indocta, stoliditas: istis se addit Græcus ignauia perditus, Asiaticus luxu corruptissimus, Aegyptius non minus animo quam corpore euiratus, Arabs excoctus, minutus, & exanguis. Quis à tali milite crederet Gallos ferocissimos, Germanos animosissimos, Italorum ingenia, Hispanorum solertiam vinci posse? & tamen, proli dolor, vincimur: & vincimur ab his, qui in seruitutem vincunt, & serui pro seruitute bella gerunt contra nos, qui in libertate geniti à proauis, & atauis, nobis indelibata relicta.

Quòd si instituta & leges vtriusque nationis inspicias, neque hac in parte inferiores sumus. Quid enim Euāgelio diuinius? quid Iure canonico regularius? quid Iure ciuili sapiētius aut æquius? cum illi cōtra ex Alchorano viuunt, re nō minus stulta quā vana: qui liber (vt nunc audio) inter Christianos euulgatur, vt scilicet maturè discamus alienas leges, quæ breui nostras amissuri videmur, vt antea animo

quàm ditione Turcæ simus.

Quid igitur in causa est, cur inter tot prærogatiuas bellandi semp in bello deuincamur? cur vexilla crucibus insignita, olim terribilia nõ minus infidelibus nationibus, quàm infernalibus spiritibus, nunc toties se in fugam auertant? Dicam paucis, & dicam verè: Deum habemus & summum & verum, sed à nobis alienatum, adeò vt prophetico vocabulo ferme appellari possimus non populus Dei. Cur enim Christus nobiscum esset, qui à nobis per tot hæreses in tot partes dilaniatur? nam præter nomen quid nobis Christianis, Christiani est? Rusticus hoc tempore & impurus & factiosus: oppidanus fallax & auarus: Magistratus sequuntur retributiones, diligunt munera, Nobilitas luxum & ignauiam: miles præter stipendium & prædam nihil ex bello quærit, securus quo sceptræ cadant, non minus infestus in suos quàm in hostes. Ecclesiastici præter pompam Ecclesiasticam vix quicquam Ecclesiæ habent, non sanctitatem, non pietatem, non eruditionem, omnes quærunt quæ sua sunt, non quæ Christi.

Quid ergo mirum, si talibus moribus Christi amicus esse nolit? Bellamus igitur sine Deo, & quod calamitosius, aduersario Deo apud nos circumferunt in vexillis cruces: sed ipse



CONTRA INFIDELIS.

crucifixus suo fauore apud hostes versatur.

Pereunt igitur omnia, & infinitis cladibus inuoluuntur: & cum vna gens Christiana contra Turcas pugnat, alia gens vel in alijs versatur bellis, vel in ocio agit: miles qui in aciem educitur, nummo inseruit, nō Christo: si desit stipendiū, statim vel desertor, vel transfuga futurus. Quid ergo prodest ibi Italica sapientia: aut industria Hispanica: aut robur Germanicū: aut ferocitas Gallica: aut Hungarica audacia: vbi miles nec Christū, nec gloriam cogitat: & ad bellum venit, tanq̄ ad ganeum, ibi nepotationes suas exerciturus.

Bonas leges habemus, sed pessimos mores: bona arma, sed pessimos animos: laus est si inter se acriter dimicēt: in hostē si nō acriter pugnent, vel dedecus nō est, vel certe impunitū est. Quādo quis vnq̄ audiuit militē vel ob fugam, vel ob abiecta arma mulctatum fuisse: cum olim pœnæ capitales & decimationes non singulos sed vniuersas legiones peruaferint.

Trahimus igitur exiguū numerū, eumq̄ morib. corruptū, cōtra tot myriades hostiū optima disciplina vtentiū. Nam Turca vitia sua in castris deponit: Christianus assumit, nullē in Turcarū castris delitie, arma tantūmodo & necessarius victus. In castris Chri  
sua

Francorum luxus, & omnis luxuriæ com-  
meatus, adest grauior turba meretricum, q̄  
virorum. Latrocinatur Hungarus, præda-  
tur Hispanus, potat Germanus, libidinatur  
Italus, Gallus cantat, Anglus lurcatur, Scho-  
tus heluatur: militem qui miles moribus  
sit, vix vllum inuenias.

Quid ergo mirū si vincant illi, apud quos  
sobrietas, parsimonia, cōtinentia, vigilātia;  
vincantur illi, qui ab hostibus vel vagi ad præ-  
das, vel inter pocula, vel in somno, vel apud  
meretricē, aliasq; nequitias inueniuntur? Sed  
hæc culpa est plebeiōrū. Principes ipsi, dum  
mutuis bellis se conficiūt, causam præstant,  
vt nunq̄ pares vires cōtra Turcas afferam<sup>9</sup>.

Sed quia nunc bellum Gallicum finem ac-  
cepit, sperandum quòd non solum hæresis  
inter Ecclesiasticos sparsa, & omnis abusus  
ab Ecclesia tolletur, sed etiam principum  
discordiæ cessabunt, & tandem firma auxi-  
lia contra Turcas coibunt.

Igitur facilè armabit Germania quinquaginta milia peditū, .xx. equitum. Nec minorem numerū cōficiet Italia. Idē vel aliquanto plus ex Gallia sperandum. Nec Hispania inferiores vires ad hanc expeditionē addet. Præterea ditiones Brabantiæ, Flandriæ, Hollandiæ, Zelandiæ, Frisiæ, vnā cum Traiectēsi, decem milia equitum & viginti

milia peditum, vel etiam maiorem nume-  
rum implebunt. Reliquiæ Hungariæ, Mo-  
rauiæ, Slesia, Bohemiæ, & quidquid ad  
Istrum, Sarmatiam, Illyricum sinus habet,  
facile sexaginta milia equitū prodixerint.

Quod si istis viribus in bella eatur, propi-  
tato numine, correctis moribus, in procli-  
ui erit vincere hostes fidei, recuperare Græ-  
ciam, & Thraciam, vbi adhuc maior pars  
hominum Christum colit, qui audissimis  
votis expectant Christianorum arma, ad  
quamlibet occasionem defecturi, & suos  
dominos & tyrannos, à quibus miserrimè  
vexantur, oppugnaturi: quæ res sola victo-  
riam vel dare, vel maturare potest.

Vbi autem semel victoria potiri fuerimus, pa-  
tebit nobis vniuersa Hungaria, & p Danu-  
bium secundo flumine facilius licebit nobis  
oës machinas & reliquos apparatus belli  
Constantinopolim deuehere, q̄ Turcæ ad-  
uerso flumine Viennam.

Quod vbi apud Persas inauditum fuerit,  
ex altera parte vsq; ad Constantinopolim  
excurrent. Nec cessabunt præpotentes Re-  
ges Russiæ, & Georgianorum, quibus non  
minor vis, quam odium in Turcas. Nec Im-  
perator Indiæ Ioannes presbyter otium a-  
get, sed omni conspiratione contendet, ad  
communem hostem opprimendum.

HÆC ad te scribere libuit Maximiliane Augustiss. Cæsarum inclyta proles: tum quia miseras Christianorum, & illas intolerandas calamitates sub imperio Turcarum & inspexi, & expertus sum: tum quia omnes de te eam spem, ominaq; concipiunt, quòd existimant te & Maximiliani proavi tui mores, patris item Ferdinandi, & Caroli Cæsaris patruui tui relaturum: quæ expectatio hominum maximè confirmatur, dum quotidie virtutes tuæ istius excellentissimæ indolis aspiciunt. Nobis igitur omnipotens Deus exorandus est, vt spem expectationemq; tui, quam ipse non frustraris, fo-

ueresuo numine, & matu

rare velit, quò tandem Christianus orbis à tot perpetuis cladibus respiret.

16. Calend. Apr.

L A V S D E O,



ANTVERPIÆ, CVRA ET  
impendio Bartholomæi Georgieuits,  
typ. Eg. Copenij.



St  
Bibl. Univ. Cluj  
Nr. 56.608  
10 67